

得從蓉 浪蕩子常有自然銅鼎內朱砂烹鍊就天仙子入白雲中蟬殼顯山侗

馬風子獨自賞元宵剔正命燈勝白晝放開心月透青霄掌握紫芝苗 金童舞玉女更吹簫酒飲瓊漿雖是美有些閑事不逍遙惟恨少知交

馬風子因遇棄榮華乞覓殘餘爲活計眞清真淨做生涯烹鍊白朱砂 人莫笑一志實堪誇大道朝聞甘夕死冰清玉潔絕纖瑕不敢辱師家

馬風子昔日在迷津尋箇出期終沒計欲知山上路兒眞須問去來人 風仙至端的話良因指我一條眞捷徑無差無錯越

道藏輯要

漸悟集

七

胃集七
川XII

紅塵晝夜感師恩

馬風子忽想在家時火院熬煎無限苦心驚膽顫哭聲悲悔恨出離遲 號吽罷感謝我眞師釣出凡籠修不二逍遙自在處玄機有分看搖池

聞蟬

秋蟬噪聲細又聲長飲露淪風聲不困聲聲都了顯行藏使我起悽惶 堪嗟歎模樣是蟻蜋尙自超然蟬蛻去爲人甯忍昧三光急急養鉛霜

八日

來朝九今日訪龍山預賞黃花先落帽免教鄭谷歎多端終要

久長難 馬風子別話一般般性結重陽花馥郁萬年千載不凋殘永永有餘歡

九日吟

酬佳節爭賞菊花忙盡說陶潛深得趣孟嘉帽落興偏長終久落空亡 馬風子別有好風光陽裏養陽陽養處木牛牽向牧牛場永永慶重陽

十日吟

今朝菊人見意闌珊祇是秋香經一夜致令鄭谷歎多端終要久長難 馬風子別有一般般萬頃白雲知去處金蓮花朵不教殘永永道人歡

道藏輯要

漸悟集

六

胃集七

尋大道不在路迢迢雲水清閑真自在姤嬰相伴做逍遙此理有誰消 馬風子悟徹十分喬兩腳輕狂街上舞往來獨許弄風颿明月杖頭挑

道友修菴

邱與馬入道絕貪求欲報師恩常念念三年守服豈能休何處好藏頭 舊居址深謝許同修但願我公同我志同心同德做同流同步訪瀛洲

外顛倒愛慾似冤讎富貴榮華都不顧人情濃處急抽頭物外做持修 內顛倒真火戲清流六月降霜麻麥秀三冬時雨潤丹邱雲步訪瀛洲